

1. egitekoa

Irakurri testua eta ondorengo galderei erantzun. Testuan esaten dena kontuan izan, eta aukeratu erantzun zuzena.

Idatzi letra beheko laukietan, adibidean egiten den bezala.

Pickford Txikia



Gaur bezalako egun batez, 1979ko maiatzaren 29an Mary Pickford izenaz gogoratzen dugun aktore eta zinegilea zendu zen. 87 urte zeuzkan, zimurrez beteta egongo zen seguru, eta hala ere Mary Pickford-ek ez zion inoiz neskatala izateari utzi.

Hamabost urterekin bere jaioterriari agur esan (Torontokoa zen izatez) eta New Yorkera egin zuen alde. Garai hartan Hollywood sortzeke zegoen, eta zine industria Sagar Handian garatzen zen. Gladys Smith glamourrik gabeko izena atzean utzi eta hamasei urterekin bere lehenengo pelikula mutua egin zuen, David Wark Griffith-en zuzendaritzapean. "Hau zortea nirea" pentsatuko zuen neskatalak. Noski, Gladys Smith-ek ez zekien hurrengo hogeitau urteetan paper bera errepikatzen mugatu beharko zuela: neskatala inozentea eta samurra, gizon ausart bati esker arriskutik libratuta, azken minutuan beti.

1925. urtean, Pothoplay aldizkariak hurrengo galdera luzatu zien bere irakurleei: Zein paperetan ikusi nahiko zenuke Mary Pickford? Erantzunak argigarriak izan ziren: Heidi, Errauskine, Txanogorritxu, Alice, lurralde miresgarrian... Etsipenez hartu zituen Mary Pickford-ek iradokizunok, zegoeneko 32 urte zeuzkan, baina garaiera txikikoa zen, eta ile-kiribilek ume-itxura ematen zioten. Nork esan zuen, bada, baten adina barne-izpirituak baldintzatuta dagoela? Ez, lagunok, besteek nola ikusten gaituzten, adin hori daukagu.

Pickford neskatala bihozbera zen, Amerikako sweetheart txikia. Urteek aurrera egiten zutela? Pickford emakume bilakatu, eta behin baino gehiagotan dibortziatzen zela? United Artists zine-konpainia sortu eta produktore ahalguztiduna bihurtu zela? Hori publikoari bost axola zitzaion. Ile-kiribilak moztu eta neskatala inozoaren paperetik irten zen aldi bakanetan, porrota baino ez zuen dastatu. 1933. urtean egin zuen azken pelikula. Ondoren depresioa, isolamendua eta alkoholismoa. Gogorra da neskatala tolesgabea izatea betiko.

Katixa Agirre. *Deia*, 2009/05/29

Adibidea:

0. Zer dio artikuluak Pickford-ek egin zuen lehen filmaz?
- a. United Artist zine-konpainiarekin grabatu zuela.
 - b. Pertsona mutu batekin lan egin zuela.
 - c. Ahotsezko filmak sortu baino lehenagokoa zela.

1. Nolakoa zen Pickford itxuraz?
- a. Bere zahartzaroan ere aurpegi leuna zuen, neskatila batena.
 - b. Neskatila gaztea zela ere, aurpegian zimurrak ageri zitzaizkion.
 - c. Laurogeitaka urterekin, aurpegi zimurra bai, baina gazte ikusten zuten.
2. Zer paper egin zuen Pickford-ek filmetan?
- a. Urte askotan neskaxa inozoaren papera egitea egokitu zitzaion.
 - b. Txanogorritxo, Errauskine eta horrelakoak antzeztea zuen gogoko.
 - c. Neska ausartarena ere egin zuen hainbat film arrakastatsutan.
3. Antzezlea izateaz gain, beste lanbiderik izan zuen?
- a. Zine ekoizle ere izan zen.
 - b. Hollywood-en sortzaile izan zen.
 - c. Pothoplay-rako lan egin zuen.
4. Nolakoa izan zen Pickford bere bizitzan?
- a. Jendeak ikusten zuen bezalakoa, neska zoriontsua eta bihotz onekoa.
 - b. Ez zuen bizitza zoriontsua izan, jendeak bestela uste bazuen ere.
 - c. Filmen arrakastak bizitza erraztu zion, zorte handia izan zuen beti.
5. Zein da idazlearen iritzia Pickford-en adinarean inguruan?
- a. Nolako animua eta izpirtua izan, halako adina izaten da.
 - b. Adinak berak baldintzatzen du norberaren barne egoera.
 - c. Kanpokoek nola ikusten gaituzten, halako adina izango dugu.
6. Idazleak zergatik jarri du *Pickford txikia* artikulua izenburuan?
- a. Izen horrekin ezagutzen delako artikulua pertsonaia.
 - b. Bere bizitza artistikoan ia beti neskatiaren papera egin zuelako.
 - c. David Wark Griffith-ek, bere zuzendariak, izen hori jarri ziolako.

Aukera ezazu erantzun egokia eta jar ezazu dagokion letra ondoko laukietan:

0.- c	1.-	2.-	3.-	4.-	5.-	6.-
-------	-----	-----	-----	-----	-----	-----

2. egitekoa

Testuan **hitza** aurkitu.

Ondoren **2** azalpen irakurriko dituzu. Azalpenari dagokion **hitza** testuan aurkitu behar duzu.

Idatzi hitza laukian, adibidean egiten den bezala.

Adibidea:

0. (1. paragrafoan)

Larruazaleko tolesa.

zimurra

1. (4. paragrafoan)

Oker atera, huts egin, espero zena ez lortu

2. (4. paragrafoan)

Hutsegiteak barkatzeko joera duena

" hori